

**Ethica Symbolica E Fabularum Umbris In Veritatis Lucem  
Varia Ervditione Noviter evoluta**

**Pexenfelder, Michael**

**Monachii, 1675**

Symbolum LXXV. Achilles, Imperatoris fortissimi protypon.

---

[urn:nbn:de:hbz:466:1-68709](#)

## SYMBOLVM LXXV.

Achilles Imperatoris fortissimi Prototypon.

Homerus &amp; Hesiodus.

## Ethicè.

1. Quantum sit positum in educatione.
2. Timor DEI per Chironem significatus.
3. An ars canendi dedebeat Principem?
4. Libidinis vis.
5. Litteræ Principibus suarum ornamento.
6. Veritas non potest opprimi.
7. Salus ex hoste.

**P**Elei fuit ex Thetide, Nympha marina, filius *Achilles*, quem adhuc infantem mater Stygiis immersit undis. Ex quo factum, ut eius corpus tela omnia retunderet; nec ullo sauciari modo posset, præterquam in ea parte pedis, qua prehensus erat, dum ablueretur. Traditus est educandus *Chironi* centauro, à quo leonum visceribus, aprorum ac ursorum medullis, lactis loco fuisse pastus perhibetur. Hinc videlicet infracta illa ortum habuit magnitudo animi, corporisque robur invictum; adeo ut insignes fortitudine duces, *Achilles* appellantur, & *Achilleum* dicatur *argumentum*, quod contrariis rationibus infirmari non potest. Ab eodem Chirone (avo scilicet) præter artem pulsandæ citharæ, usumque herbarum, & peritiam venandi, jaculandi, medendi, leges æquitatis, ac præsertim scientiæ militaris edocitus fuit. Cùmque juxta oraculum Troja sine Achille capi nequiret, mater vita illius metuens, admodum adolescentem inter Lycomedis Regis filias, puellari habitu abscondit. Sed tamen ab Ulyssis astu compertus, eius expeditionis laborem ac pericula devitare non potuit. Thetis igitur cognita filii necessitate, ad Vulcanum accessit, impetravitque, ut arma fabricaret, nulla vi humana penetrabilia. Factum est, quod petiit. Proficiscitur ad bellum Trojanum Achilles: post multa præclarissimè gesta amoribus puellæ implicatus (*Briseis* vocabatur) quæ expugnatà Lyrnessò, Trojadis oppido, ipsi victori in sortem cessit; posteaque ab Agamemnonte erepta, implacabilis dissidii causa fuit inter utrumque; adeo ut Achilles aliquamdiu bello abstinuerit, nec ullis precibus permoveri potuerit, ad militiæ munia resumenda; donec *Patrocli*, amici conjunctissimi, ab Hectore occisi, nece exacerbatus, & ultioris cupiditate

cupiditate accensus, arma corripuit, cùmque *Hectore*, Priami filio, Trojanorum fortissimo congressus, ipsum interfecit, mortuumque curru aligatum, ter circum Trojæ muros raptavit, ac demum Priamo corpus vendidit. Tandem & ipse in Apollinis templo ex insidiis, à *Paride* sagitta trajectus est, dum conjugium Polyxenes, eiusdem sororis, speraret, & cum Andromache, Hectoris uxore, de nuptiis tractaret. Sepultus est in Sigæo, Phrygiæ promontorio.

### Ethica.

Multa de hoc herœ commemorat Poëtarum Princeps Homerus. Unde & Cicero pro Archia: Quam multos scriptores rerum suarum Magnus ille Alexander secum habuisse dicitur. Atque is, cùm in Sigæo ad Achillis tumulum adstisset: O fortunate, inquit, adolescentis, qui tue virtutis præconem Homerum inveneris! Pindarus ait, exequiale ei carmen Musas cecinisse.

I. (a) Ad virtutis præclaræ decora maximum Achilli præsidium contulit, cùm ipsa indoles ad summa quæque nata, tum institutio præstissimi magistri Chironis, qui optimis eum præceptis à puero imbutit, & adolescentem ingenuis artibus ac exercitiis ad laborem induravit, ad scientiam percoluit. De severitate eius disciplinæ Ovidius 1. art,

Phillyrides puerum cithara præfecit Achillem,

Atque animos molli contudit arte feros.

Qui toties socios, toties exterruit hostes,

Creditur annosum pertimusse senem.

Quas Hector sensurus erat, poscente magistro,

Verberibus jussas præbuit ille manus.

Eleganter de eodem recentior Poëta: Achillem

Tela Centaurus docuit rotare,

Saxa moliri, superare fossas,

Stare Sperchium, glaciemque contra, &

Sistere flumen.

Fessus ex silvis quoties redibat,

Censor inspectis rigidus sagittis

Semiser, sparsum tigridis cruento in

Colla levavit. Jac. Balde. I. i. Lyr. Od. 1.

(a) Quantum sit possum in educatione.

In eundem Chironem Centaurum, jami cælo receptum, ubi Sagittarii  
nomen inter XII. Signa Zodiaci obtinet; alius:

Cur humeris alæ? Quòd mente ad Sidera surgit.

Missile cur telum? Mentis acumen habet.

Cur Equus est partium? Frænis obtemperat Æqui.

Cur & Homo? Humanum docta Minerva facit.

Talem igitur magni Reges meruere magistrum,

Quos non esse feras edocet iste *Ferus*.

Plurimum sanè interest, qualis sit puerorum educatio. Si mollis &  
fracta: nihil generosum à viro exspectes; Paridem nutriti: si rigidior  
& asperior, leonem eduxisti, qualis Achilles erat. *Fili tibi sunt*, inquit  
Ecclesiasticus c. 7. *erudi illos, & curva illos à pueritia eorum*. Singula-  
res in liberorum institutione fuere Lacones. five Spartani, apud quos puer,  
testante Plutarcho, à quopiam castigatus, si querelam ad patrem detu-  
lisset, turpe erat patri, si hoc auditio, non iterum filium emendasset. The-  
mistocles quoniam adolescens feroci mutabilique ingenio videbatur, mi-  
rantibus mutatos mores, dicere solebat, asperos, & indomitos pullos in-  
optimos equos evadere, si quis illis adhibeat disciplinam, rectamque in-  
stitutionem. Non raro enim vel vitium naturæ, vel parentum, corrigit  
solertia præceptoris. Theodoricus Rex suos Gothos ad militiam instru-  
ens, producite, ait, juvenes vestros in Martiam disciplinam; nam quod  
in juventute non discitur, in maturâ aetate nescitur. Cassiod. lib. 1. E-  
pist. 24. Et Veget lib. 1. c. 4. Inspicientem, ait, pubertatem ad delectum  
cogendam nullus ignorat: non enim tantum celerius, sed etiam perfe-  
ctius imbibuntur, quæ discuntur à pueris. Diodorus de Balearicis scribit:  
Ita recte lapides propellunt, ut raro effugiat istum appetitus locus.  
Quod eis continuo à pueritia usus præbet, à matribus ad id certamen co-  
petant, neque ante cibum capiunt, quam panem lapide ejectum pro cibo  
sumant. Nicolaus Caussinus de regno Dei, dissertat. 13. Certissima res  
est, inquit, per vitæ molitatem omnes ingenii nervos infringi, nec ma-  
gnificum quid ab eo exspectandum, quem à teneris calcata indole volu-  
ptas subegit. Unde quæso in veterum scriptis tam frequentes de expo-  
filiis, aliisque: qui omnes inter aspera montium & horrida silvarum, inter  
humiles casas, duro & rusticano viatu adolevere? Ne putemus hoc forte  
tantum contigisse, sed ipsa sæpe destinatione parentum, qui conditionis  
sux

suæ igitur, committebant alendos agrestibus, ut austoris rebus assueti, militiæ labores perferrent alacrius, & à deliciis prorsus abhorrent. Tamerlanes ille orbis terror, non barbarus, ut plerique fingunt, sed ut auctor vitæ, sapientissimus princeps, cùm de orbis domiti victoria rediret, & filiolum inter nutricum ulnas, galero tectum deprehendisset, castigata mulierum mollitie, jussit nudo capite ambulare, nec ullis aspergieri deliciis. Hæc ille. Recentius est, quod de Henrico IV. rege Galliæ, cognomento Magno proditur in hunc modum. Antonius Bononiensis Navarræ Rex, cùm pueros suos omnes molliter, & plus quam regali cura educari jussisset, advertit, doluitque singulos immaturo fasti eripi, & regnum denique ad feminas devolvi debere. Interea Joanna regina enixa est puerum Henricum, magno omnium plausu, & congratulatione. Hunc ut immaturæ præriperet morti, noluit inter aulæ delicias, ut alios enutrirí, sed ruri apud colonum, communè agrestium puerorum victu educari in campo, bubulci instar pecora agere, sudare, algere, dumque per ætatem licuit, militiæ nomen dari permisit. Atque per hæc tam varia atque ardua rudimenta tantus heros evasit, ut vere corpore & animo *Henricus magnus* extiterit. Engelgrave tom. 2. Dom. 6. post Pascha. Verè Cicero lib. 1 de offic. Maximè hæc ætas à libidinibus est tollenda, in laboribus & patientia animi & corporis exercenda, ut in bellicis & civilibus officiis eorum vigeat industria. In quo genere educationis olim Lacenæ feminæ illustres fuere, quarum vox fuit: *sole nos viros parimus*. Nam quales matres, tales partus, robusti, animosi, strenui. Et quia hic locus illustris est de educatione pueritiae, pluscula in eam rem adferemus: scribimus enim hæc magnam partem adolescentibus, quos cupimus ad virtutem pariter, & eruditioinem institui abiis, qui nomen moderatoris, & officium gerunt. Verè Ecclesiasticus: *Qui docet filium suum, laudabitur in illo* c. 30. Plinius lib. 31. c. 11. tradit, duos alicubi fontes esse, ex quorum altero bibentes ovates, fiant albæ, ex altero nigrae: ex utroque variæ. Bona institutio candidos, prava improbos facit, miscellanea versipelles. Achilles imperatoriis artibus à prima institutione prælusit. Infans duratus est undis stygiis; puerum semifer exercuit. Atque hæc causa fuit, cur Gentiles olim heroum filios recens natos in clypeis ponerent. Theocritus de Hercule & Iphiclo ab Alcmena in clypeo, cunarum loco, collocatis  
*Cùm ambos foivisset, & lacte replevisset,  
 Posuit super scutum æreum, quod Pterelæ  
 Amphitryon, pulchram armaturam ademerat interfecto.*

Quin



Quin & Lacenæ in clypeo pariebant, auctore Nonno Dionysio lib.  
 41. Apud Albanos nato masculo militaria munera offerebantur cum ver-  
 bis: Armeris puer: quia ad bellum, non ad otium venisti. *Crispin.*  
 Omnia hæc in Achillem convenient, quem primis ab annis *Severitas* in  
 sinum, *Disciplina* in ulnas, *Mars* in clypeum, *Pallas* in galeam exceptit. Ca-  
 vendum tamen est, ne Parentes & præceptores, qui secundum illos sunt pa-  
 rentes proximi, sint usquequaque, sempèrque duri, immites & asperi;  
 sed filiis ac discipulis frequentius gratiam parvorum delictorum faciant,  
 eaque se videre dissimulent, suam sibi adolescentiam, illamque ad offen-  
 siones nimis proclivem ætatem, ante oculos statuentes. Cùm autem ad  
 reprehensionem vniendum, imitentur medicos, qui amaris dulcia mi-  
 scentes, aditum sibi ad ægrorum utilitatem aperint: Sic ipsi objurgatio-  
 num severitatem lenitate quædam moderentur, atque temperent, & ali-  
 quando habenas suorum laxent, aliquando adducant. Sæpius animum libe-  
 ralem plaga servilem, fractumque efficiunt. Frenorum jam patienes equi,  
 si sepius verberentur, contumaces, pavidiæ redduntur; blanda manu at-  
 trectati, generosi & audaces efficiuntur. Afini, abjectissimæ pecudes, fustibus,  
 & flagellis impelluntur. Nihilominus gravissimum Divinæ Scripturæ oracu-  
 lum est, pueros verberibus multandos, asserentis. Unde illustres in eam rem  
 loci. *Qui diligit filium, assiduat.* Illi flagella; ut latetur in novissimo suo. Eccl.  
 30. Nam ictus sapiet. Et v. 8. *Equus indomitus evadit durus, & filius*  
*remissus evadet præcepis.* id est, contumax, intractabilis, in omne flagitium  
 pronus. Et v. 12. *Curva cervicem eius in juventute, & tunde latera eius,*  
*dum infans est, ne forte induret, & non credat tibi, & erit dolor animæ tuæ.*  
 Malleatione formatur aurum, tunzione lapides, percussione refractaria  
 puerorum natura. Curvanda cervix tenera, ne robustior debeat frangi:  
 principiis anteverendum. Consonat Salomon Prov. 13. *Qui parcit*  
*virgæ, odit filium.* Causam horum dictorum subdit idem Prov. 22. *Stul-*  
*titia colligata est in corde pueri, & virga discipline fugabit eam.* Stulti-  
 tia hæc, est puerilis levitas, petulantia, ruditas, imprudentia, inexperi-  
 entia, inconstantia, concupiscentia: hæc enim colligata, imò innata  
 sunt pueru, qui est quasi animal brûtum, quod non ratione, sed sensu agi-  
 tur, omniâque, quæ videt, concupiscit. Pueris & bestiis, inquit Aristote-  
 les l. 6. 13. naturales insunt habitus, sed sine intellectu & mente; *noxii*  
*esse apparent;* quare verberibus, virga vel baculo à stultis suis cupidita-  
 tibus sunt arcendi. Ubi notanda verba: *virga discipline*, ut intelligas  
 moderatam castigationem adhibendam: *discipline*, non *ira.* Nam ma-

gnopere cāvendūm, ne irati quemquam multemus; male moderatur juventutem, qui verberando voluptatem sentit, omnēmque culpam capi-  
talem facit. Ingenuus adolescentulus blandiūs corrigendus: alternis adhibendā collaudationes & increpationes; ut hinc ad pudorem rediga-  
tur, inde ad laudem erigatur. Si qui reprehensionibus vel verberatio-  
nibus magis tanquam saxa indurescant, iis pulsandis supersedendum est.  
D. Augustinus in libris confess. quōd socordior esset in discendo, se va-  
pulasse, idque sibi profuisse narrat. Insuper attendat parens & praeceptor,  
ne peccet in eo, quod in filio aut discipulo reprehendit. Quod Alexan-  
der Magnus altero humero elatiore incederet, vitium Leonidis pædagogi  
fuit, qui humerum dextrum altius attollebat sinistro. Id universim in hoc  
argumento tenendum, quod Atheniensibus oraculum de optimo Reip.  
statu consulentibus respondit: fore beatam urbem, si puerorum auribus,  
quod optimum esset, & pretiosissimum appenderetur. Plut. Quod in-  
telligendum de salutari doctrina pueris instillanda. De his ornamentis  
Doctorum sapientissimus: *Audi, fili, disciplinam patris tui;* & ne dimit-  
tas legem matris tuae, ut addatur gratia capitū tuo, & torques collo tuo.  
Prov. 1. &c. 25. *Inauris aurea,* & margaritum fulgens arguit sapientem  
& aurem obedientem. Gratia, corona, torques, aurium ornamenta gemmea,  
symbolum sunt sapientiae, disciplinæ, docilitatis, observantiae, quibus  
adolescens apud Deum, hominesque gratiosus, nobilitatem sibi non san-  
guine, sed virtute & ingenio comparat. Et quia de Institutione puerili  
nobis sermo est, monet Ecclesiasticus, *Qui docet filium, laudabitur in eo,*  
c. 30. Plato bonam filiorum educationem ponit bonæ Reip. fundamen-  
tum. lib. 7. ait: Eius Reipubl. quæ felix esse volet, magistratus in veri Dei,  
& veri boni cognitione edocetor statim ab infantia, artesque omnes ad  
eam primariam scientiam ediscendam necessariæ eidem adhuc adolescenti  
traduntor. Idem lib. 6. de leg. Adolescentia recta institutio est publi-  
corum negotiorum maximè serium. Idem in Alcibiade narrat, filios Per-  
sarum, cùm ad decimum quartum ætatis annum pervenissent, commen-  
datos fuisse curæ regiorum pædagogorum, qui ex omnibus Persis felige-  
bantur, ac quatuor erant: Unus sapientissimus, alter justissimus, tertius  
temperatissimus, quartus fortissimus. Primus docebat Regis filium, que  
erant cultus divini: secundus instillabat, ut per omnem vitam esset ve-  
rax: tertius, ne ulla cupiditate vinci se sineret, sed disceret Rex esse sui,  
gulæque ac cæteris animi affectibus imperare: quartus intrepidum illum  
atque impavidum reddebat, ne quando quippiam metuens, servus fieret.

Hæc



Hæc omnia uifus Achillem docebat Chiron, cui plus debuit quām parenti Peleo: ab hoc enim habuit, ut *homo* esset: ab illo, ut *heros*; & quidem talis, quem tota antiquitas inter summos Græciæ viros ac Duces celebravit.

II. (b) Cornelius noster in illud Ecclesiastici, c. 25. *Timor DEI super omnia se superposuit.* Id est, super omnia eminet, & hominem, sicut sessor equum, à præcipitio avertit: sicut nauclerus, navim à scopulis vel syrtibus retorquet: sicut speculator significat hostes adesse, atque belandi tempus instare. Addit id ipsum gentiles repræsentarunt per Chironem hippocentaurum, Achillis institutorem seu pædagogum. Talis est Timor DEI. Chironem enim pinxerunt terrificum, & manu arcum tenentem: quia pueri metu & minis à malo coereendi sunt. Rursus Chironem dixerunt, sibi commissos nutrire medullis leonum ac cervorum: inventorem esse herbariæ & medicinæ: item Astrologum, musicum, immortale, translatum in cælum, in Zodiaco collocatum, dictumque Sagittarium. Quibus omnibus ostendere voluerunt, per Timorem Dei homines evaderet audaces & fortes adversus vitia, leonum instar; non sine tamen pavore, qui per cervos indicatur, ne in peccatum ruant. Esse suum medicos, & habere antidotum contra pravas inclinationes. Esse astrologos, & cælestium rerum memores: musicos quoque concentu virtutum & modulis conscientiæ pacatae intus canentis, denique in cælum transferri propter vitam cum integritate transactam. Ita Cornelius.

III. (c) Achilles peritus fuit artis canendi citharæ. An satis rectè una convenient in manu sceptrum & plectrum, ensis & Lyra? Non pauci sunt, qui negent, & inter illos Henricus Magnus, Rex Galliæ, qui discebat, nihil vetare, quod minus Regum liberi musicorum audirent acroamata: musicam attem discere, aut fidibus canere nolebat; cum præser-tim hæc ars nihil iis, præterquam ad amatorias illecebras, sit profutura. Regum propria in pace instrumenta sceptrum esse, & manum justitiæ; in bello gladium: hæc iisdem regiè tractanda; hæc utroque tempore usurpanda prædicabat. Prudentiæ, Justitiæ, Fortitudinis, cæterarumque virtutum temperiem, regiam planè cantilenam esse musicis legum numeris illigatam, quam quisque quadripartitò solus canere possit. Caussina in symb. l. 5. c. 32. Aliter senserunt, feceruntque longè plurimi, de quibus Tullius i. Tuscul. Quæst. summam, inquit, eruditionem, & animorum institutionem, longè præclaram, esse in nervorum vocumque cantibus sitam, à Græcis semper ferè creditum est. Hinc legimus Epa-

III 2 minon-

(b) *Timor Dei per Chironem significatur.* (c) *An ars canendi deducat principem.*

minondam Græciæ principem fidibus præstantissimè cecinisse. Socrates, quo nullus Philosophorum gravior existimatus est atque sanctior, senex didicit fidibus ludere. Themistocles, quod in epulis recusasset lyram sumere, indoctior habitus est. Lycurgus quamvis durissimas leges Lacedæmoniis suis injungeret, musicæ tamen studium est amplexatus. Pythagoras, & qui deinceps studia consecrati sunt eadem, mundum ipsum non contra musicas rationes concinnatum, coaptatumque docuerunt. Plato gentibus contributam putat musicam, ut quod animæ consonantiam turbat & harmoniam, hujuscce voluptatis delinimento sedetur, atque ad ordinem redigatur. Musica mores instruit, componitque ac mollit irarum ardores, quod vel Homericus Achilles abundè significat. Hæc Cicero. Nam licet Achilles esset *stomachi*, quod Horatius canit, cedere nescii, tamen, ut Homerus scribit *in lib. 1.* cum ob similitatem, quæ ipsi cum Agamemnone propter raptam Briseida intercedebat, relictis castris & belli negotiis solitarius ageret, missi ad illum placandum legati, offenderunt eum in navि citharæ cantu ægritudinem animi levantem. Sic nautæ, sic vinitores, sic viatores, sic denique alicui labori alligati, solamen in cantu inveniunt: Infantes, quoque hanc suavitatem non aspernantur, nutricisque cantu à fletu cessant, atque conticescunt. Mysterio non vacat, quod Homerus epulantibus diis, Apollinem & Musas canere finxit. Quid enim aliud indicavit, dum Musicam ne à Deorum quidem conviviis abesse voluit, quam voluptatem hanc homine sapiente dignam esse, cum ne à diis ipsis repudietur? Quid, quod Musica torpentes ad bellum animos suscitat, ad labores & arma capessenda exstimulat: hinc illa à tubis, à fistulis, tympanis, classicis ad pugnam hortamenta, & Martis accendendi præludia. Sentiunt vim musicæ ipsa animantia rationis expertia. Est ergo Musica, teste Tyrio dissert. 21. Optima pacis administra, belli comes, animi custos & magistra, affectuum præses, quos nimium se efferentes & exultantes demulcent; remissos & dissolutos exacuit & excitat: hæc luctum levat, iram cohabet, cupiditates temperat, dolores mitigat, amores solatur, adversam fortunam sublevat, æquitatem & justitiam docet. Hinc Spartanorum, Cretensium, Atheniensium leges numeris musicis condite, ut facilius rudibus hominum animisque imbiberentur, quod Strabo scribit. lib. 10. Adeoque non indecorum est viris Principibus, Achillis tractare citharam, & fidium harmoniâ motus animi contemperare. Facelle hinc Paridis lyra, quam sibi oblatam, Alexander noluit tangere, indignum munus fortissimo viro arbitratus amatorias fides. Plutarch. de fortitud.

Alex.

Alex. Est enim mollium contemptor generosius animus, qualis in Achille enituit, qui non promptior pectine ad feriendas chordas, quam hasta ad Hectoras transfigendos. Cuius hasta vel ipsa rubigo tanti roboris fuit, ut vulnus Telepho Myorum Regi ab Achilleo mucrone inflictum persanaret. Cæterum novimus etiam nostra ætate Augustissimos Cæsares, qui exemplo Caroli M. (ut Davidem glorioſissimum Hebræorum Regem taceam) non tantum ſcītē canere, ſed modulos quoque componere muſicos calluerunt, artibus belli pariter ac pacis clari.

IV. (d) Achillem à matre stygiis mersum undis, ſolō pedis talō, quo tinctus non fuerat, mansiſſe vulnerabilem, ac denique à Paride Troianorum molliffimo ac timidiffimo, in appetitis Polyxenæ ſororis nuptiis, periſſe: ſignificat, virum in bello contra adverſarios forteſ & insuperabilem, pedes tamen, id eſt, affectus habere proprios, quibus vinci ac ſuperari poſſit. Præſertim in *taliſ*, Veneri dicatis; quod venæ ex illis ad renes & femora conſcendant, adeoque ſignificant, Achillem, ſeu virum forteſ, libidine decipi ac ſuperari; ſæpiſſime que accidere, ut forteſſimi quique ab ignaviffimis fraude trucentur. Jac. Maſen. ex Fulgentio lib. 2. ſpec. Imag. c. 7. Deinde mea quidem opinione hīc innuitur, ſatis eſſe ad interitum, minima ſui parte iſtui patere; Homoplomachum oportet eſſe animum, & undique ſapientiā obarmatūm, ad quem accessuſ vitio ne ſub virtutis quidem ſpecie detur. Nemo ſecurus vivit periculorum, niſi aditus omnes obſervet, unde venire poſſint. Magnum vulnus etiam in exigua parte, & parvo ab hoſte timendum. Per anguſtam rimam illabuntur guttae, & mergunt navem: tenuis exhalatio, horrenda tonitrua & fulmina ciet: levis aér terræ viſceribus eluctans, altas cum turribus urbes evertit. Mors non modò corporis, ſed animæ quoque ubique viam invenit, quā perimat. Achilles cætera impenetrabilis, in pede ſagittam & necem accepit; Achabus Rex Iſraëlis loricatus ſubeunte telo inter ſcapulam & cervicem periit. Et quām multi ſunt, qui ſibi cum Achille stygiis carminibus indurati videntur, plerumque tamen leviffimis in rixis in tartarum, unde auxilium ſperabant; inopinatō descendant.

V. (e) Clypeus Achillis, in quo Vulcani operā, terra cùm oceano, & coelum cum ſtellis exhibebatur, monet, honestas litterarum artes Principibus & præſidio & ornamento eſſe: earumque tuendarum curam, ne inter arma quidem deponendam.

Iii 3

VI.

(d) Libido etiam forteſ viros ſuperat. (e) Lettera Principibus ſunt ornamento.

VI. (f) Clypeus Achillis fortissimo dandus , ac iniquo Græcorum judiciō Ulyssi adjudicatus , tandem post ejus naufragium ad Ajacis tumulum vi fluctuum delatus est; sic volente Neptuno , verus ut possessor jus suum vel post mortem obtineret. Refert historiam Pausanias & Q. Calaber. Quō significatur id , quod à Livio dicitur : Veritatem laborare sæpe , extingui nunquam. Tandem bona causa triumphat. Alciatus emblem. 28.

VII. (g) Telephi vulnus , hostili sanatum hasta , indicat , sæpe salutem ex hoste provenire. Jasonem Thessalum , qui volebat interficere telo , vomicam eius aperuit , eaque ruptâ salutem homini coartulit. Id ipsum Plinius narrat lib. 7. c. 20. de Phalereo Atheniensium Duce , qui deploratus ab amicis vomicæ morbo , cùm mortem in acie quereret , vulnerato pectore medicinam invenit ex hoste. Neque raro plus ad latenter animi morbum sanandum valuit inimici ira aperta , quam amici dissimulatio occulta.

VIII. Ad extremum discendum ex Chirone , inter astra reposito , ubi sagittarius seu Arcitenens , appellatur , quibus honoribus afficiendi sint Praeceptores sapientes & industrii. Deinde vigilantiam decentur Principes , è sideris hujus imagine , de qua hoc epigramma :

Ortus cœlesti Centaurus origine Chiron.

Expetiit votis à Jove , posse mori.

Obtinuit. Sidusque novum post fata refulxit .

Intentoque arcu tela , manuque vibrat.

Sic Princeps celsa quamvis munitus in arce ,

Semper in incertas fert vigil arma minas.

(f) *Veritas non potest opprimi.* (g) *Salus ex hoste.*



SYM-